



Željka Radovanović Sokić rođena je 28.02.1977.godine u Sarajevu, gdje je završila gimnaziju. Zvanje diplomiranog pravnika stekla na Pravnom fakultetu u Istočnom Sarajevu dana 24.04.2000.godine. Dana 08.03.2004.godine položila pravosudni ispit pred komisijom Federalnog ministarstva pravde FBiH.

U periodu od 2000.godine do novembra 2006.godine zaposlena u Ministarstvu unutrašnjih poslova RS, na različitim pravnim poslovima upravnih unutrašnjih poslova i disciplinske odgovornosti ovlaštenih službenih lica.

U periodu od novembra 2006.godine do septembra 2012.godine zaposlena u Tužilaštvu BiH na poslovima stručnog saradnika pravnik u Posebnom odjelu za ratne zločine i stručnog savjetnika pravnik te šefa Kabineta glavnog tužioca Tužilaštva BiH.

Dana 01.septembra 2012.godine stupila na dužnost kantonalnog tužioca Kantonalnog tužilaštva Kantona Sarajevo, gdje je od stupanja na dužnost radila u odjelu za opšti kriminalitet, te od 01.01.2014.godine radi u Odjelu za privredni kriminal i korupciju, trenutno i kao zamjenik šefa Odjela i koordinator Odjela za privredni kriminal.

U toku zaposlenja u Tužilaštvu Bosne i Hercegovine učestvovala u različitim aktivnostima na polju procesuiranja predmeta ratnih zločina, kako u pojedinačnim predmetima, tako i u praćenju i kreiranju organizacije rada na ovim predmetima, u skladu sa Državnom strategijom za rad na predmetima ratnih zločina, te u više navrata učestvovala u radu godišnjih Regionalnih konferencija državnih tužilaca u procesuiranju predmeta ratnih zločina. Takođe, učestvovala u različitim edukacijama u organizaciji CEST FBiH, te drugim seminarima, edukacijama i konferencijama u organizaciji UNDP, TAIEX, EUPM i drugih međunarodnih organizacija iz oblasti privrednog kriminala i korupcije.